



ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ
ԱՐԱԳԱԾՈՏՆԻ ՄԱՐԶՊԵՏ
Ո Ր Ո Շ ՈՒՄ

2024թ. ապրիլի 9

N 99-Ն

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐԱԳԱԾՈՏՆԻ ՄԱՐԶՈՒՄ ՇՏԱԲԱՅԻՆ
ՈՒՍՈՒՄՆԱՎԱՐԺՈՒԹՅՈՒՆ ԱՆՑԿԱՅՆԵԼՈՒ ՄԱՍԻՆ

Հիմք ընդունելով Հայաստանի Հանրապետության Արագածոտնի մարզի բնակչության պաշտպանության և քաղաքացիական պաշտպանության համակարգերի նախապատրաստման 2024 թվականի հիմնական միջոցառումների պլանի 4.1.1 կետը և ղեկավարվելով «Տարածքային կառավարման մասին» ՀՀ օրենքի 5-րդ հոդվածի 3-րդ մասով, Հայաստանի Հանրապետության կառավարության 2015թ.-ի հունվարի 22-ի «Արտակարգ իրավիճակներում բնակչության պաշտպանության և քաղաքացիական պաշտպանության ոլորտներում Հայաստանի Հանրապետության պետական կառավարման և տեղական ինքնակառավարման մարմինների ու կազմակերպությունների պատրաստման և տվյալ ոլորտների հիմնահարցերով բնակչության ուսուցման կարգն ու ծրագիրը սահմանելու և Հայաստանի Հանրապետության կառավարության 2003թ.-ի հունվարի 30-ի N 134- Ն որոշումն ուժը կորցրած ճանաչելու մասին» թիվ 46-Ն որոշման հավելված 1-ի 6-րդ կետի 3-րդ ենթակետի և 18-րդ կետի դրույթներով.

ՈՐՈՇՈՒՄ ԵՄ

1. 2024թ.-ի ապրիլի 18-ին Հայաստանի Հանրապետության (այսուհետ՝ ՀՀ) Արագածոտնի մարզում իմ ղեկավարությամբ անցկացնել շտաբային ուսումնավարժություն (այսուհետ՝ ՇՈՒ) «Հայկական ատոմային էլեկտրակայանի միջուկային և (կամ) ճառագայթային ընդհանուր վթարի դեպքում բնակչության պաշտպանության կազմակերպումն ու իրականացումը» թեմայով:

2. ՇՈւ-ի նախապատրաստման և անցկացման նպատակով նշանակել՝

1) ՇՈւ-ի ղեկավարի տեղակալ՝ ՀՀ Արագածոտնի մարզպետի տեղակալ, մարզի տարիանման հանձնաժողովի նախագահ Հարություն Գուլյանին,

2) ՇՈւ-ի ղեկավարման շտաբի պետ՝ ՀՀ Ներքին գործերի նախարարության փրկարար ծառայության Արագածոտնի մարզային փրկարարական վարչության պետ, փ/ծ փոխգնդապետ Մենուա Ասատրյանին:

3. Հաստատել ՇՈՒ-ի ղեկավարման շտաբի կազմը՝ համաձայն հավելվածի.

4. ՇՈւ-ին ընդգրկել մարզի տարիանման հանձնաժողովին, ՀՀ Ներքին գործերի նախարարության փրկարար ծառայության Արագածոտնի մարզային փրկարարական վարչությանը, Աշտարակ, Թալին քաղաքներին, Ն.Եղեսիա, Ն.Ամանոս, Արագածոտն, Արուճ, Կոշ, Ուշան, Ոսկեվազ, Օշական բնակավայրերը, «Աշտարակի և Թալինի բժշկական կենտրոններին», ոստիկանության մարզային վարչությանը, Հիվանդությունների վերահսկման և կանխարգելման ազգային կենտրոնի Արագածոտն մասնաճյուղ ՊՈԱԿ-ին, «ՎԵՈԼԻԱ ԶՈՒՐ» ՓԲԸ-ին, Մուսալեռ ՓԲԸ մասնաճյուղի Աշտարակի տեղամասին, «Գազպրոմ Արմենիա» ՓԲԸ Արագածոտնի ԳԳՄ-ին, «Հիդրոտեխնոլոգիաների և մոնիթորինգի կենտրոն» ՊՈԱԿ-ի համապատասխան ստորաբաժանմանը:

5. ՇՈւ-ի ղեկավարման շտաբի պետին.

1) ապահովել անցկացման փաստաթղթերի ժամանակին մշակումը և մինչև 2024թ. ապրիլի 9-ը ներկայացնել իմ հաստատմանը,

2) կազմակերպել ուսումնավարժությանը ներգրավվող պաշտոնատար անձանց նախապատրաստումը՝ համաձայն հաստատված օրացուցային պլանի,

3) ապահովել փոխհամագործակցությունը ուսումնավարժությանը ներգրավված մասնակիցների միջև,

4) ճշգրտել «ՀԱԷԿ-ի միջուկային և (կամ) ճառագայթային վթարի դեպքում ՀՀ Արագածոտնի մարզի բնակչության պաշտպանության» պլանը,

5) ուսումնավարժության անցկացմանը պատրաստ լինելու մասին զեկուցել 2024թ. ապրիլի 15-ին:

6. ՇՈւ-ի մասնակիցներին՝

1) ուսումնավարժության նախապատրաստման հարցերով սերտորեն համագործակցել ուսումնավարժության ղեկավարման շտաբի հետ,

2) մարզային փրկարարական վարչության հետ ճշգրտել «ՀԱԷԿ-ի միջուկային և /կամ/ ճառագայթային վթարի դեպքում Հայաստանի Հանրապետության Արագածոտնի մարզի բնակչության պաշտպանության» և «Հայաստանի Հանրապետության Արագածոտնի մարզային տարհանման» պլաններով նախատեսված միջոցառումները,

3) պատրաստ լինել զեկուցելու ուսումնավարժության ընթացքում կատարած միջոցառումների մասին:

7. Սույն որոշումն ուժի մեջ է մտնում հրապարակմանը հաջորդող օրվանից:

8. Սույն որոշման կատարման հսկողությունը վերապահում եմ ինձ:

 Восстановимая подпись

X

VERIFIED OCSP 4/9/2024 14:38:21 GMT+4

Подписано: MOVSISYAN SERGEY 33098900457

Ս.ՄՐԿԱՍԻՍՅԱՆ



ԿԱԶՄ

ՇՏԱԲԱՅԻՆ ՈՒՍՈՒՄՆԱՎԱՐԺՈՒԹՅԱՆ

ՂԵԿԱՎԱՐՄԱՆ ՇՏԱԲԻ

1. Ղեկավարման շտաբի պետ՝ ՀՀ ՆԳՆ ՓԾ Արագածոտնի մարզային փրկարարական վարչության պետ, փ/ծ փոխգնդապետ Մ. Ասատրյան:
2. Խաղարկման խմբի ղեկավար՝ ՀՀ ՆԳՆ ՓԾ Արագածոտնի մարզային փրկարարական վարչության պետի տեղակալ, փ/ծ փոխգնդապետ Ա. Շամիրյան:
3. Խաղարկման խմբի անդամ՝ ՀՀ ՆԳՆ ՓԾ Արագածոտնի մարզային փրկարարական վարչության ՃԿԿ պետ, փ/ծ մայոր Ա. Մելիք-Ստեփանյան
4. Վերլուծության նախապատրաստման խմբի ղեկավար՝ ՀՀ ՆԳՆ ՓԾ Արագածոտնի մարզային փրկարարական վարչության ԲՊԲ պետ, փ/ծ փոխգնդապետ Հ. Մուրադյան:
5. Վերլուծության նախապատրաստման խմբի անդամ՝ ՀՀ ՆԳՆ ՓԾ Արագածոտնի մարզային փրկարարական վարչության ԲՊԲ ավագ հրահանգիչ, փ/ծ մայոր Գ. Ավագյան:

ՀՀ ԱՐԱԳԱԾՈՏՆԻ ՄԱՐԶՊԵՏԻ ԱԾԽԱՏԱԿԱԶՄԻ
ԳԼԽԱՎՈՐ ՔԱՐՏՈՒՂԱՐ



Հ. ԳԵՎՈՐԳՅԱՆ